


Alkitab Buat Bocah

Nampilin



Pemimpin Rumah Ibadah Ngunjungin Yesus



Nyeng nulis: Edward Hughes

Nyeng bikin gambar: Byron Unger; Lazarus
Alastair Paterson

Nyeng nyocokin: M. Maillot; Sarah S.

Nyeng terjemahin: Matheus Nalih Ungin

Dibikin buat: Bible for Children
www.M1914.org


©2024 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.


Pada satu ari Yesus ke Bait Suci, Ia nemuin banyak orang kaga ngehormatin rumah Tuhan. Mereka ngejual binatang dan ngejadiin tempat nukerin duit!



Bikin pecutb dari tali, Yesus ngedorong para penjual keluar dari rumah Tuhan. "Bawa semua barang keluar!" perintah-Nya, "Jangan jadiin rumah Papa-Ku buat tempat dagang!" Yesus sangat sayang ama rumah Papa-Nya.




3




Para pemimpin minta tanda kalo Yesus itu punya hak buat ngusir orang dari rumah Tuhan. "Rubuhin rumah Tuhan ini dan Aku bakal diriin lagi dalem tempo tiga ari," jawab Yesus. Kaga mungkin. Rumah Tuhan ini dibangun dalem tempo empat puluh enem taun.

4

Tapi Yesus ngomongin soal badan-Nya. Sama kaya rumah Tuhan, badan-Nya itu tempat Tuhan tinggal. Yesus tau ia bakal mati di kayu salib, Ia tau Allah bakal ngebangkitin Dia dari kuburan pada ari nyeng ketiga.



5



Malem arinya seorang dari pemimpin rumah Tuhan ngunjungin Yesus. Ia tau keajaiban nyeng dibuat Yesus datengnya dari Allah Papa. Nikodemus dateng ngunjungin Yesus buat belajar soal Tuhan.

6

Yesus bilang sama Nikodemus kalo orang itu kudu dibranakin lagi biar bisa masuk ke kerajaan Allah. Nikodemus kaga ngarti. Pegimana orang udah gede jadi orok lagi? Lagian ia taat banget sama agama. Apa itu aja kaga cukup?



7

"Nyeng dibranakin dari roh ya Roh," Yesus ngejelasin. "Roh Allah kaya angin. Orang kaga bisa ngeliat atawa ngarti angin. Mereka cuman ngeliat apa nyeng dibuat ama angin."



8



Yesus ngingetin Nikodemus soal bangsa Israel nyeng selalu ngresulah sama Musa pada waktu dulu. "Kita kaga punya makanan, kaga ada aer, dan kaga suka roti nyeng dikasih Allah sama kita," tereak mereka.

9



Dosa mereka bikin Allah marah. Ia ngirim ula bedudak disekiteran mereka. Ula itu pada ngegigitin mereka. Banyak nyeng mati.

10



"Kita bedosa. Sembahyang biar Allah nyingkirin ula-ula," renek orang-orang. Musa sembahyang buat mereka. Tapi Allah kaga nyingkirin ula-ula itu.

11



Allah perentahin Musa buat bikin tungked kaya ula. "Siapa nyeng digigit bakal idup kalo ngeliat tungked ula," janji Allah. Musa bikin tungked ula dari tembaga dan sia nyeng ngeliatnya bakal waras.

12



Yesus bilang sama Nikodemus kalo Anak

Manusia kudu diangkat kaya tungked tembaga. Yesus bilang soal salib dimana Ia mati buat dosa-dosa manusia.

13



Yesus bilang, "Karena


gede banget kasih Allah sama dunia sampe Ia ngasih Anak paling tua-Nya, biar siapa nyeng percaya pada-Nya kaga bakal musnah tapi ngedapetin idup nyeng kekal."

14



Ini artinya siapa nyeng percaya sama Yesus berarti dibranakin kedalem keluarga Allah.


15



Bisajadi Nikodemus kaga jadi murid Yesus malem itu. Tapi berapa taun lagi, Nikodemus nunjukkin kalo, dia sayang banget dan percaya Yesus dengan ngebantuin nguburin Anak Allah nyeng mati di salib.

16

Abis itu, Yesus ama murid-muridnya pegih ngalor. Orang laen perlu juga ngedengerin soal kerajaan Allah, dan punya kesempatan buat percaya sama Yesus dari Nazareth, Anak Allah.



17


Pemimpin Rumah Ibadah Ngunjungin Yesus
Sebuah cerita dari perkataannya Tuhan, Alkitab

Ditemuin di

Yohanes 2-3, Bilangan 21

"Palang pintu Firman Engkau ngasih terang."
Mazmur 119:130

18



41



60

19

Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakal ngelakuinnya! Dia bakal dateng dan idup di dalem enté ini ari, dan enté bakal idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berobah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

20